

«01» օգոստոսի 2022թ.

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Արտաշես Ղամբարյանս, քննելով «ՍԱՆԻ ՕՍԻՊՅԱՆ» ՍՊԸ-ի (ՀՎՀՀ 00914503, հասցե՝ հասցե՝ ք.Երևան, Նոր Նորք, Զուղայի փողոց, շենք 7, բն. 40) կողմից «Ներքին սպառման համար բացթողում» մաքսային ընթացակարգով թիվ 05100040/170720/0001821 ապրանքների հայտարարագրով հայտարարագրված ապրանքների փաստաթղթերը.

Պ Ա Ր Զ Ե Ց Ի

Հարավային մաքսատուն-վարչությունում իրականացված աուդիտորական ուսումնասիրությունների արդյունքում «ՍԱՆԻ ՕՍԻՊՅԱՆ» ՍՊԸ-ի կողմից ներկայացված թիվ 05100040/170720/0001821 ապրանքների հայտարարագրի 33-րդ սյունակում կատարվել է ծածկագրի ճշգրտում, որի հետևանքով առաջացել է 25234 /քսանհինգ հազար երկու հարյուր երկու հարյուր երեսունչորս/ ՀՀ դրամի չափով պարտավորություն, որից 4206 ՀՀ դրամ ավելացված արժեքի հարկի մասով և 21028 ՀՀ դրամ մաքսատուրքի մասով պարտավորություն:

«Մաքսային կարգավորման մասին» ՀՀ օրենքին համաձայն մաքսային վճարներ առաջադրելու նպատակով Հարավային մաքսատուն-վարչության ավագ մաքսային տեսուչ-իրավաբանը խնդրել է համապատասխան ստորաբաժանմանը տրամադրել «ՍԱՆԻ ՕՍԻՊՅԱՆ» ՍՊԸ-ի կողմից ներկայացված թիվ 05100040/170720/0001821 ապրանքների հայտարարագրի 33-րդ սյունակում ճշգրտում կատարելու արդյունքում առաջացած և սահմանված ժամկետում պարտավորությունը չկատարելու արդյունքում Հարավային մաքսատուն-վարչությունում հաշվարկված տույժերի մասին:

Համապատասխան ստորաբաժանման կողմից տրամադրվել է 06.07.2022 թվականին կազմված թիվ 13 ակտ, համաձայն որի «ՍԱՆԻ ՕՍԻՊՅԱՆ» ՍՊԸ-ն Հարավային մաքսատուն-վարչությունում ունի ընդամենը 23214 /քսաներեք հազար երկու հարյուր տասնչորս/ ՀՀ դրամի չափով պարտավորություն, որից ավելացված արժեքի հարկի տույժի՝ 167 ՀՀ դրամ, մաքսատուրք՝ 14242 ՀՀ դրամ, մաքսատուրքի տույժ՝ 8805 ՀՀ դրամ:

Նշված փաստի առթիվ ՀՀ ՊԵԿ Հարավային մաքսատուն-վարչությունում հարուցվել է վարչական վարույթ «ՍԱՆԻ ՕՍԻՊՅԱՆ» ՍՊԸ-ի կողմից վճարման ենթակա ավելացված արժեքի հարկի տույժի, մաքսատուրքի և մաքսատուրքի տույժի գանձման նպատակով:

Հարավային մաքսատուն-վարչության ավագ մաքսային տեսուչ-իրավաբանը թիվ 207 մտից համարի զեկուցագրով խնդրել է տրամադրել տեղեկատվություն «ՍԱՆԻ ՕՍԻՊՅԱՆ» ՍՊԸ-ի կողմից թիվ 05100040/170720/0001821 ապրանքների հայտարարագրով առաջացած մաքսային վճարների կատարման վերաբերյալ:

Հարավային մաքսատուն-վարչության մաքսային գործառնությունների բաժնի գլխավոր մաքսային տեսուչի թիվ 210 մտից համարով տեղեկանքի համաձայն՝ «ՍԱՆԻ ՕՍԻՊՅԱՆ» ՍՊԸ-ի կողմից թիվ 05100040/170720/0001821 ապրանքների հայտարարագրով առաջացած 23214 ՀՀ դրամի չափով ավելացված արժեքի հարկի տույժի, մաքսատուրքի, մաքսատուրքի տույժի

պարտավորություններն ամբողջությամբ կատարվել են, որը հավաստվում է Հարավային մաքսատուն-վարչության 12.07.2022 թվականի գանձապետական քաղվածքով և ՀՀ արտաքին առևտրի ազգային մեկ պատուհան ծրագրի թիվ 05100040/170720/0001821 ապրանքների հայտարարագրի ֆինանսական մասում:

«Վարչարարության հիմունքների և վարչական վարույթի մասին» ՀՀ օրենքի 50-րդ հոդվածի 2-րդ մասի ա) կետի համաձայն՝ վարչական մարմնի նախաձեռնությամբ հարուցված վարչական վարույթը կարող է կարճվել, եթե անձը, ում հասցեագրված է լինելու վարչական ակտը, վերացրել է օրենքի կամ իրավական այլ ակտի պահանջների խախտումները կամ պատշաճ միջոցներ է ձեռնարկել խախտումները կանխելու ուղղությամբ, և նման դեպքերում օրենքն այդ խախտումների վերաբերյալ չի պահանջում վարչական ակտի ընդունում:

«Մաքսային կարգավորման մասին» ՀՀ օրենք 114-րդ հոդվածի 7-րդ մասի համաձայն.

Մաքսատուրքի, հարկերի, դրանց գծով տույժերի, տոկոսների բռնագանձում չի իրականացվում, եթե մաքսատուրքի, հարկերի վճարման մասին պահանջները չեն ներկայացվել դրանց վճարման ժամկետը լրանալու օրվանից կամ Միության մաքսային օրենսգրքի 200-րդ հոդվածի 1-ին կետի 1-ին ենթակետում նշված ապրանքները բաց թողնելուց հետո մաքսային հսկողության ժամանակ մաքսատուրք, հարկեր չվճարելու փաստը հայտնաբերելուց հետո՝ երեք տարվա ընթացքում:

Այսպիսով, հիմքում ունենալով վերոգրյալ իրավակարգավորումները և նկատի ունենալով, որ «ՍԱՆԻ ՕՍԻՊՅԱՆ» ՍՊԸ-ի կողմից ամբողջությամբ կատարվել է թիվ 05100040/170720/0001821 ապրանքների հայտարարագրի 33-րդ սյունակում ճշգրտում կատարելու արդյունքում առաջացած պարտավորությունները, ուստի «ՍԱՆԻ ՕՍԻՊՅԱՆ» ՍՊԸ-ից մաքսային վճարների գանձման նպատակով հարուցված վարչական վարույթը ենթակա է կարճման:

Հիմք ընդունելով վերոգրյալը և ղեկավարվելով «Մաքսային կարգավորման մասին» ՀՀ օրենք 114-րդ հոդվածի 7-րդ մասի և «Վարչարարության հիմունքների և վարչական վարույթի մասին» ՀՀ օրենքի 50-րդ հոդվածի 2-րդ մասի դրույթերով՝

Ո Ր Ո Շ Ե Ց Ի

1. «ՍԱՆԻ ՕՍԻՊՅԱՆ» ՍՊԸ-ի վերաբերյալ հարուցված վարչական վարույթը՝ վերջինից մաքսային վճարների և տույժերի գանձելու վերաբերյալ, կարճել:
2. Որոշման մասին օրենքով սահմանված կարգով տեղյակ պահել «ՍԱՆԻ ՕՍԻՊՅԱՆ» ՍՊԸ-ին:

Սույն որոշումն ուժի մեջ է մտնում դրա ընդունման մասին իրազեկելուն հաջորդող օրը և «Վարչարարության հիմունքների և վարչական վարույթի մասին» ՀՀ օրենքի 10-րդ գլխի նորմերին համապատասխան կարող է երկամսյա ժամկետում բողոքարկվել վերադատության կարգով կամ ՀՀ վարչական դատավարության օրենսգրքով սահմանված կարգով՝ վարչական դատարան:

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ

ՄԾ ԳՆԴԱՊԵՏ



ԱՐՏԱՇԽԱՆԱԲԱՐՅԱՆ